


Johannes Butherus

**GENETHLIA || IN || LAVDEM PVERI IESV,|| DOMINI ET REDEMTO-||ris nostri, ex  
Maria virgine castis-||sima nati;|| Scripta à || IOHANNE BVTHERO VVISMAR.|| Ad  
... || D. CASPARVM VVILDIVM,|| Patricium et Senatorem inclytae Reipub.||  
Lubecensis grauißimum ... ||**

Rostock: Möllemann, Stephan, 1592

<http://purl.uni-rostock.de/rosdok/ppn1687977488>

Druck Freier  Zugang



Cg-1403




LAVDEM PVERI IESV,  
DOMINI ET REDEMTO-  
ris nostri, ex Maria virgine castif-  
sima nati;

Scripta à

IOHANNE BVTHERO WVISMAR.

*Ad Amplissimum ac ornatissimum vi-  
rum, Pietatis, Sapientia, Prudentia, &  
virtutis laude, ex aquo prastantem,  
D. CASPARVM VVILDIVM,  
Patricium et Senatorem inclytæ Reipub.  
Lubecensis gravissimum; Dominum, nec  
non mecœnatem ac Patronum suum,  
omni observantiarum genere per-  
petuò colendissi-  
mum.*



ROSTOCHII

Typis Myliandrvinis.

Anno cl<sup>o</sup> Is XCII.

Amplissimo & prudentissimo viro, Dno

CASPARO VVILDIO,

inclytæ Reipub. Lubecensis Senatori

primario, Dn. Patrono & Meccenati  
suo, debita obseruantia colendo.

**E**xpectata dies anno vertentē recurrit  
Quæ Christus pura virgine natus h. o est.  
Illa noui nobis primordia denotat anni,  
Christicolisq; pijs gaudia læta refert.  
Dardanij hac veteres blando munuscula vultu,  
Poma, nuces, tenero distribuere gregi.  
At hac donatum mundo, dimisit ab arce  
Ætherea, Nitum, cœlicus ille parens.  
Ergo latentur pueri, iuuenesq; senesq;  
Et dent alternas accipiantq; preces.  
Propter nos etenim cœlo descendit ab alto  
Humanosq; artus induit ipse λόγος.  
Hoc igitur Christo quò sim pro munere gratus,  
Inclusi metricis verbula pauca modis.  
Que tibi pro Xenio Mecœnas optime mitto,  
Tu placida capias fronte maniq; preces.  
Splendidius fateor Xenium tua munera poscunt,  
Qui studijs speram fersq; refersq; meis.  
Mittere sed pretij Xenium maioris, amica  
Fors fortuna parùm, care Patrone vetat.  
Accipe sed Xenium diuina mente profectum  
Quod λόγος est, si pera missus ab arce patris.  
Verus homo verusq; Deus, cum secula nondum  
Facta forent, & cum secula facta forent.  
Ille loco strenæ puer esto CHRISTVS IESVS,  
Quem preces v. felix faustus & annus eat.  
Is tibi contribuat felicia tempora vitæ,  
Et possit hanc vitam regna beata possit.

Iohannes Butcherus VV. sma. ien. sis.

TENEON  
PVERI IESV.



CHRISTE Dei fili pura de vir-  
gine nate,  
Verus homo, iam Natalis quo  
tempora versu  
Ipse tui recinam, ac digno quo car-  
mine laudes

Musa tuas memoret, vero illustretq; nitore?  
Obstuproo penitus tua cum mens dicere facta  
Incipit, at tu me perfundas luce corusca:  
Et, licet exsuperent sensus, aciemque sagacem  
Humanæ mentis, summi hæc mysteria patris;  
Quantum concedet tamen hæc tua gratia, tantum  
Vox tribuet summæ mea maiestatis honori.  
Te facile mihi des in carmina carminis autor  
Christe Dei fili, & navis tu vela gubernes.  
Vnde tuas verò Christe ordiar optime laudes,  
Aut quibus exornem tua nunc præsepia verbis:  
Tu patris æterni verbum, tu huius idem,  
Ex se quem genuit cum secula nulla fuerunt,  
Hic sine principio Deus hic sine fine gubernat,  
Sic etiam patri tu maiestate coævus,  
Fine cares; & origine, primus & autor.  
Ille Deus genitor siquidem te perpete ab ævo  
Intuitus sese, genuit de lumine lumen.  
Existunt per te quæcunq; creata videmus  
Quicquid habet magni totius machina mundi.  
Lumen es æterno pariter de lumine, lucem

A 2

Quod

Quod præbet toti mundo cunctisq; creatis.  
In mundum veniens tenebris radiabat in altis,  
Sed cœcæ lucem non agnouere tenebræ.  
In mundo, mundus sine quo non existit amplus,  
Æternoq; patri cum sis maneatq; coæuus,  
Nasceris in mundo (mirum) de virgine pura,  
Cui mare, cui tellus, cui paret & æthera cœli.  
Quid magis arcanum, magis admirabile quidnam  
Quam cœli terræq; Deum, quem non capit orbis.  
Immensus, carnis sic parua sede recludi?  
Verus homo, verusq; Deus, nomenq; parentis  
Summum habeas licet, ipse tamen de virgine nasci  
Gaudes, ac fieri pro crimine victima nostro,  
En, noua progenies cœlo dimitteris alto,  
Fulgida monstrauit quam lumine stella corusco.  
Regibus in terra Sersorum visa sabæis.  
Salue blandè puer, puer ô dulcissime salue,  
Salue virginei flos ventris odorifer, vnde  
Spirat, odor suauis totiq; salutifer orbi.

At quæ caussa fuit, quod Christus ab æthere sum-  
Descendens, voluit sibi iungere debile nostræ (mo-  
Carnis opus, summo cum par in honore parenti  
Exstiterit, chorus angelicus quem semper adorat?  
O nimium, nostros nimium miserate dolores!  
Vnica caussa sumus tibi, cur delapsus ab arce  
Aetherea, sis Christe Dei diuina propago.  
Nam tua te bonitas & amor, pietasq; paterna,  
Eduxere patris gremio, nostræq; salutis  
Causa, vitales puer es prognatus in auras,  
Vt promissa salus cunctis, te dante, daretur,  
Totius & mundi quod crimina morte piars,  
Crimina quæis iustam patris irritauimus iram.

Fas,

Fas etenim fuerat tanto pro crimine pœnas  
Soluere, vt mortalis homo, quia crimina fecit:  
Sed tu Christe Deo ( sortem miseratus iniquam )  
Patri, suscipiens λύτρον persoluis, & vnus  
Pro nobis morti te dedis, mortis on usque  
In te derivas, qui crimine purus ab omni es,  
Vt nos in cœli rursus statione locares.  
Has propter causas venisti è culmine cœli  
Virginis ex utero mortalis corporis artus  
Assumens, nostrasq; vices nostrosq; dolores  
Persers, in rigida crucis ara victima factus.  
Non tibi nascenti ridēbant tempore verno  
Flores, quos pueri carpunt per amœna vireta,  
Nec violæ suaves, quibus ornant florida ferta:  
Sed glacialis hyems canos hirsuta capillos  
Claudit humum, stabat nudataq; frondibus arbor.  
Splendida neue domus magniq; palatia Regis,  
Te Regem Regum magno excepere paratū:  
Sed quæ tecta fuit vili casa stramine, tantum  
Vrbis Ephratae decus excipit, inscia turba  
Tantarum rerum, puerum fastidit I E S V M.  
Plumeus haud illic, sed acuta carice lectus  
Est inter pecudes, laceris præsepibus hærens.  
Interea hæc chorus angelicus miratur, & edit  
Iubila, concelebratq; Deum de virgine natum.  
Hinc etiam inuisit terras supera arce relicta  
Cœli, & lanigeræ pecudis custodibus ista  
Divinæ Triadis mysteria cœlica narrat:  
Christus ut in terram sit missus ab æthere summo  
Servator mundi, & Davidis natus in urbe,  
Aurea cum quo pax nobis sit nata supernè,  
Pax hominum sensus superans, ac summa voluptas.

A ;

Alitu-



Alicum hæc vbi dicta dedit chorus incola cœli,  
Astriferi repetit præcella palatia regni.  
Pastores armenta sinunt errare, nouumq;  
Cantu concelebrant Regem, puerumq; salutant;  
Salue sancte puer, salue dulcissime I E S V.  
Tu nisi sumisisses mortalis corporis artus;  
Nos phlegetontææ crudelis pœna maneret  
Vndæ, nec stygij Plutonis carcere cœco  
Exempti essemus, nec mors superata nefandæ  
Reddita jam vero nobis est gratia per te,  
Quæ veteris culpa fuerat deperdita Adami.

Ergo tibi grates verbis quibus inlyte Christe  
Dicemus, cum natali sint maxima nobis  
Commoda parta tuo, quæ mundus percipit amplius.  
Laus tibi Nate Dei, quem virgo puerpera partu  
Enixa est casto, casti decus vsque pudoris.  
Laus tibi summe pater, per quem demissus ab alto  
Christus in has terras, nostræ spes vna salutis;  
Nec non spiritui laudis præconia sancto  
Dentur, sanctificans qui corpus virginis almæ,  
Effecit massam sine labe & sanguine puram.

### ALIVD.

Salve sancta dies toto venerabilis æuo,  
O semper felix, & veneranda dies.  
Qua tandem veluti ruptis tu nubibus altis,  
Descendis Regum Rex mihi facte Puer.  
Et cœli linqvis diuina palatia Christe,  
Induis & carnem non maculate meam.  
Conciperis sine peccato, idem pectore iusto,  
Infans in Bethlem nasceris ipse Deus.

Nasce-

Tempore quo cunctos aspera lædit hyems.  
Ipsa parant nullam tibi diuersoria sedem,  
Excipit ah Regem nec fera turba suum.  
Es spretus cum matre tua, dignatur honore  
Hospes, te nullo, Barbarus ille, Deum.  
Barbarus ille ferox genuit, quem Caucasus horrens,  
In stabulo matrem falsit habere locum.  
Occupat. (indignum) tornata cubilia diues,  
Solus opum Dominus, non loca culta tenet.  
Quid dicam partum? Matrem quis curat & audit  
Quæue ministerio, seu ina mitis adest?  
Quis te regalis natum Rex inclyte splendor  
Excipit, aut tanto, digna trophæa, Duce?  
Cur non vis toti mox inclarescere mundo,  
Quod nascaris Homo, filius ante Dei?  
Cur non insoliti prodis miracula partus,  
Ut videant Regem nascier atque Deum?  
Cur non ætherea Gabriele m mittis ab arce,  
Atque tuba cunctis significaris agris?  
In stabulo lauitas inter consortia Tauri,  
Atque Asini, & si aliud bestia nomen habet.  
Nemo te laudat, nemo tibi carmina premit,  
Nulla est regalis pompa, nec vllus honor.  
Angelicus tantum chorus & pia turba ministrans,  
Nubibus è cœli, Gloria dulce canunt.  
Te te etenim Regem soli, Dominumque fatentur,  
Cuius ab aduentu, Gloria summa Deo est.  
Pax quoque summa venit miseris mortalibus æui,  
Sola potest mentes, quæ sociare Deo.  
Hi Regem agnouere suum, noruntque ministri,  
Haudquaquã Rex hic Regna quod orbis amet.  
Hinc

Hinc paupertatis Regem paltoribus agnis,  
Et se pauperibus significare iuuat,  
Sic à pauperibus quò paupertatis in orbe,  
Inciperet nato concio sacra Deo.  
His vult laudari Deus; horum thura requirit,  
Nam contempta Deus, nulla superba, fouet.  
Sic igitur redijt miseris noua vita salusq̃  
Reddita nunc pax est, & rediuiua salus.  
Hunc ergo puerum latus complectere in vlnas,  
Quem Saluatorem sancta Maria parit.  
Hoc, quoq̃ nobiscum summo dignissima plausu  
Fac celebres gratus gaudia tanta, die.  
Est etenim iam festa dies venerabilis omni  
Æuo, quo natus Rex Deitatis Homo.  
Respice nos igitur patris ô venerabile VERBUM,  
Possimus laudes vt celebrare tuas.  
Postq̃ hanc militiam vitæ melioris amantes,  
Nos recipe in patrias, & tua regna, domos.

T E A O Σ.





82



Hinc paupertatis Regem paltoribus agnis,  
Et se p  
Sic à paup  
Inciper  
His vult l  
Nam c  
Sic igitur r  
Reddi  
Hunc ergo  
Quem  
Hoc, quod  
Fac cel  
Est etenim  
Æuo,  
Respice n  
Polsim  
Postq̄ har  
Nos re

gnificare iuuat,  
paupertatis in orbe,  
cio sacra Deo.  
horum thura requirit,  
is, nulla superba, fouet.  
noua vita salusq̄  
st, & rediitua salus.  
us complectere in vlnas,  
sancta Maria parit.  
summo dignissima plausu  
gaudia tanta, die.  
es venerabilis omni  
ex Deitatis Homo.  
is ò venerabile VERBVM,  
celebrare tuas.  
ita melioris amantes,  
s, & tua regna, domos.

Α Ο Σ

